

## **Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 774 del 25/03/2026**

**As de 14 van oberel der earste trèff asn tema van steln**

# **Laicht digital, s vongen bider u' de online seminarn**

**[Mòcheno] Abia kònn men kennen s online steln? Abia mu' se hèlven de artifizial intelligenz en lem va òll to? De beiln rèchtn ont bos miast men tea' benn as men praucht de digital technologie? Ver bos praucht er der TreC? De ompornt en de doin ont en òndra vil vrong barn kemmen gem bail de online seminarn van projekt "Laichtn digital punkt" as kimp bider gamòcht en 2026 aa. Der projekt, offet en òlla de lait, kimp envire trong va de Autonome Provinz va Trea't pet de zòmmòrbet va TSM - Trentino School of Management, ont hòt abia zil der sèll za versterchern de digitalkompetenzn van trentiner.**

De nain seminarn barn u'vòngen en eirta as de 14 van oberel 2026, pet an trèff ver de onlinesteln ont en de moglechkaitn za prauchen ver za schutzn se. En de trèffn as no kemmen bart men klòffen va Artifizial Intelligenz (as de 12 van moi), digitalstòttkear (as de 16 van prochet) ont TreC (as de 23 van prochet).

Òlla de trèffn barn kemmen gamòcht en de glaiche stunn, va um vinva finz um secksa nomitto. Sechen de seminarn, van aigene PC oder smartphone, ist vrai ont umensist, ober men miast se innschraim.

Do òlla de nochrìchtn ver za schraim se inn ont toalnemmen:

<https://www.tsm.tn.it/attivita/punto-digitale-facile-seminari-online-2026/>.

Der projekt Laichtn digital punkt kimp zuazolt van PNRR en projekt "Nètz van dinstn van digitalverlaichtern" van Dipartiment ver en Digitalbècksl va de Presidenz van Ministerrot. PNRR - M1C1 PROJEKT 1.7.2 "NÈTZ VAN DINSTN VA DIGITALVERLAICHTERN" ZUAZOLT VA DE EUROPEISCHE UNION – NEXTGENERATIONEU - CUP: C49I23000110006

**Ibersetz gamòcht van Sprochtirl va de Tolgamoaschòft Hoa Valzegu' ont Bersntol**

(cdt)